



Broj: 05-04-20-2821-8/25
Maglaj, 13.08.2025. godine

Na osnovu čl. 70. i 72. stav (3) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), u postupku javne nabavke „Održavanje, rekonstrukcija i sanacija lokalnih cesta i gradskih ulica na području općine Maglaj“, Općinski načelnik donosi

ODLUKU

o dodjeli ugovora drugorangiranom ponuđaču
(LOT 1)

I

Ugovor o nabavci radova na redovnom održavanju, sanaciji i rekonstrukciji lokalnih cesta, nekategorisanih cesta i gradskih ulica na području općine Maglaj dodjeljuje se drugorangiranom ponuđaču – „Hajdić“ d.o.o. Maglaj, sa ponudenom cijenom od 80.000,00 bez PDV-a, odnosno 93.600,00 KM sa uračunatim PDV-om, u skladu sa ponudom 37-A/25 od 29.07.2025. godine, a nakon što je izabrani ponuđač propustio dostaviti dokumentaciju koju je bio obavezan dostaviti kao izabrani ponuđač za LOT 1 predmetnog postupka.

II

Ovom odlukom stavlja se van snage Odluka o izboru najpovoljnijeg ponuđača za LOT 1, broj 05-04-20-2821-5/25 od 04.08.2025. godine, kojom se predmetni ugovor dodjeljuje ponuđaču „Geo-put“ d.o.o. Maglaj.

III

Ponuđač iz tačke I dužan je, u roku od pet dana od dana zaprimanja ove odluke, dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

O b r a z l o ž e n j e

Odlukom o izboru najpovoljnijeg ponuđača za LOT 1, broj 05-04-20-2821-5/25 od 04.08.2025. godine, ugovor o nabavci radova na redovnom održavanju, sanaciji i rekonstrukciji lokalnih cesta, nekategorisanih cesta i gradskih ulica na području općine Maglaj dodijen je ponuđaču „Geo-put“ d.o.o. Maglaj, po ukupnoj cijeni od 79.800,00 KM bez PDV-a, odnosno 93.366,00 KM sa PDV-om.

Ova odluka je, zajedno sa zapisnikom o pregledu i ocjeni ponuda, dana 04.08.2025. godine dostavljena putem maila svim ponuđačima koji su učestvovali u postupku javne nabavke, u

skladu sa članom 70. stav (2) Zakona o javnim nabavkama. Svi ponuđači su potvrdili prijem predmetnih akata. Tačkom II Odluke utvrđeno je da je izabrani ponuđač obavezan dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od njenog zaprimanja. Imajući u vidu činjenicu da je posljedni dan roka padao na neradni dan, krajnji dan za dostavu tražene dokumentacije je bio 11.08.2025. godine, u skladu sa odredbama člana 99. stav (2) Zakona o upravnom postupku i člana 43. Zakona o javnim nabavkama.

S obzirom da do navedenog dana izabrani ponuđač „Geo-put“ d.o.o. Maglaj nije dostavio traženu dokumentaciju, ugovorni organ je postupio u skladu sa članom 72. stav (2) tačka a) Zakona o javnim nabavkama, koji propisuje da se ugovor dodjeljuje ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz čl. 45. i 47. Zakona o javnim nabavkama, u roku o kojem odredi ugovorni organ.

Imajući u vidu navedeno, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a

